

## God's Word for Wives

**Efesooniitti 5:22-24** Haati manaa akkuma gooftaa Yesusiif abboomamtu abbaa manaa isheetiifis haa abboomamtu! 23 Kristos mataa waldaa kristiyaanaa akkuma ta'e, abbaan manaas mataa haadha manaa ti; Kristos fayyisaa waldaa kristiyaanaa ti; waldaan immoo dhagna isaa ti. 24 Waldaan kristiyaanaa harka Kristos jala akkuma of galchitu, haati manaas waan hundumaatti harka abbaa manaa isheetii jala of haa galchitu.

**Efesooniitti 5:31** Caaffanni qulqullaa'aan, `Sababii kanaaf dhiirri abbaa isaa fi haadha isaa in dhiisa, haadha manaa isaattis in maxxana; isaan lachanus foon tokko in ta'u' in jedha.

**Efesooniitti 5:33** Dubbiin kun isinis immoo in ilaala; tokkon tokkon abbaa manaa akkuma kanatti haadha manaa isaa akka ofii isaatiitti haa jaallatu; haati manaas abbaa manaa isheetiif ulfina haa kennitu!

**1 Qorontoosiitti 7:3** Abbaan manaa jaalalaan haadha manaa isaa bira haa ga'u, haati manaas jaalalaan abbaa manaa ishee bira haa geessu.

**1 Qorontoosiitti 7:34** Yaadni isaas iddo lamatti hiramaa dha; dubartiin deebitee hin heerumin yookiis durbi namummaa ishee fi hafuura ishee jirenya qullaa'aadhaaf kennite, hojji gooftaaf in dhimmiti; isheen heerumte garuu abbaa manaa ishee gammachiisuudhaaf waan biyya lafaatiif dhimmiti.

**Qoloosaayisiitti 3:18** Gooftaa duratti fudhatamaa akka ta'utti, haati manaa abbaa manaa isheetiif haa abboomamtu!

**1 Ximootewoosiitti 2:11-15** Dubartiin abboomamuu hundumaan gab jettee haa bartu. 12 Dubartiin gabiitti haa jiraattu nan jedha malee, haa barsiiftu, dhiira irrattis aboo haa qabaattu hin jedhu; 13 Addaam duraan dursee tolfaame, Hewwaan immoo ergasii tolfaamte. 14 Addaam hin sossobamne, dubartittiin garuu sossobamtee, seera-cabsituu taate. 15 Haa ta'u iyyuu malee, dubartittiin mucaa da'uudhaan in fayyiti; warri kaanis amantiitti, jaalalatti, qullaa'ummaattis of qabuudhaan yoo jiraatan in fayyu.

**Genesis 3:16** Dubartittiidhaan immoo, `Yeroo ati ulfooftutti ani rakkina kee guddaa nan baay'isa; ciniinsuudhaanis mucaa in deessa; kana keessaa immoo abbaa manaa kee in hawwita, innis aboo si irratti in qabaata' jedhe.

**1 Pheexiroosi 3:1,2** Akkasumas isin dubartoota nana, warra dhiiraa keessaa kaan dubpii Waaqayyoo hin amanne yoo ta'an iyyuu, isin waan tokko utuu hin dubbatin, amala isin warri haadhota manaa isaanii taatan

**argisiiftaniin akka mo'amanitti, abboota manaa keessanif abboomamaa! 2 Isaan amala keessan isa qullaa'aa fi isa sodaa Waaqayyoo argisiisu in argu.**

**Tiitootti 2:1-5 Ati garuu wanta barsiisa sirrii sanaa wajjin wal fudhatu dudubbadhu! 2 Maanguddooni warri dhiirri warra dhugaatiitti of hin ganne, warra ulfina nama irraa qaban, warra of qaban, amantiidhaa fi jaalalatti obsattis warra seelkoo hin qabne haa ta'an! 3 Akkasuma immoo dubartoonni dullooman amala warra akka qulqullootaatti fudhatamanii haa argisiisan! Wanta gaarii ta'e haa barsiisan malee, maqaa namaa balleessuun, dhugaatiidhaaf garboota ta'uun isaan irra hin jiru. 4 Akkasitti abbaa manaa, ijoolees akka jaallataniif, dubartoota warra gara ijoolle in gorsu. 5 Dubbiin Waaqayyoo maqaa gadhee akka hin godhannetti, warra of qaban, warra gaa'ela isaaniitti amanaman, warra mana isaaniitiif ba'eessa godhanii eeggatan, warra abbaa manaa isaaniif abboomaman akka ta'an haa gorsan!**

**Fakkeenyonni 12:4 Haati manaa dandeessuun abbaa manaa isheetiif gonfoo dha, isheen yeellaasiftuun garuu, akka dhukkuba lafee bososiisuu ti;**

**Fakkeenyonni 14:1 Dubartoonni ogeeyyiin hundinuu mana isaanii in ijaaru, warri gowwoonni garuu, harka isaaniitiin mana ofii isaanii in diigu.**

**Fakkeenyonni 19:13 ilmi gowwaan abbaa isaatti badiisa fida, haati manaa qoccoltuun akka mana yeroo hundumaa dhimm'isuu ti.**

**Fakkeenyonni 21:9 Haadha manaa qoccoltuu wajjin mana tokko keessa taa'uu irra, golee bantii manaa irra taa'uu wayya.**

**Fakkeenyonni 21:19 Dubartii qoccoltuu fi aartuu wajjin jiraachuu irra, lafa onaa keessa jiraachuu wayya.**

**Fakkeenyonni 25:24 Haadha manaa qoccoltuu wajjin mana tokko keessa taa'uu irra, golee bantii manaa irra taa'uu wayya.**

**Fakkeenyonni 27:15,16 Haati manaa qoccoltuun, akka mana guyyaa bokkaan roobu dhimm'isaa ooluu ti; 16 ishee ittisuun akka nama qilleensa ittisuu, yookiis akka nama dhadhaa ejersaa qabuuf yaaluu ti;**

**Fakkeenyonni 31:10-31 Haadha manaa mana ishee qabuu dandeessu, eenyutu argachuu danda'a ree? Isheen callee gati-jabeessa hundumaa irra guddaa in caalti; 11 abbaan manaa ishee ishee in amanata; qabeenyis isatti hin hir'atu. 12 Bara jirenya ishee hundumaatti, wanta gaarii gootiif malee, wanta hamaa isa irratti hin hojettu; 13 isheen rifeensaa fi quncee talbaa barbaaddee, dhimmitees uffata in dhoofti. 14 Markaboonni naggaadotaa, biyya fagoo dhaqanii akkuma mi'a fidan, isheenis biyya fagootii nyaata ishee in fidatti. 15 Isheen ganama utuu**

lafti hin bari'in kaatee, maatii isheetiif nyaata in kenniti, xomboreewwan isheettis hojii hojii isaanii in argisiifti. 16 Isheen qortee ilaaltee lafa in bitatti; horii itti dadhabdee argatteenis biqiltuu waynii in dhaabbatti. 17 Mudhii ishee jabeessitee in hidhatti, irree ishee cimsattees in hojjettatti. 18 Hojiin ishee bu'aa akka qabu in ilaalti, ibsaan ishees halkan hin dhaamu; 19 muka itti jirbii maran harka isheetti in baatti, qubbeetii isheettiin immoo calii in qabatti. 20 Isheen hiyyeessaaf in arjoomti, dhabaadhaafis garaa in laafti; 21 maatiin ishee uffannaa dhaamocha nama irraa ittsu waan qabaniif, yommuu alaa cabbii buusee roobu maatii isheetiif hin yaaddoftu; 22 isheen uffata siree in dha'atti, uffata calaqqisaa, quncee talbaa ba'eessa irraa dha'ames in uffatti. 23 Abbaan manaa ishee jaarsolii biyyaa wajjin, yaa'ii karra mandaraa keessa yommuu taa'u ulfina qaba; 24 isheen quncee talbaa irraa uffata dhooftee in gurgurti, naggaadotattis sabbata in gurgurti; 25 humnaa fi ulfina akka uffataatti in uffatti; yeroodhuma dhufuttis in gammaddi. 26 Ogummaadhaan in dubbatti, barsiifni gaariinis afaan ishee keessaa in ba'a. 27 Isheen yeroo hundumaa jirenya maatii isheetii in eegdi, utuu hin hojjetinis akkasumaan buddeena hin nyaattu. 28 Ijoolleen ishee lafaa ka'anii 'Eebbfamtuu!' jedhanii ishee in waamu, abbaan manaa ishee immoo ishee jajatee, 29 'Dubartoota baay'eetu wanta ba'eessa hojjeta, ati garuu hunduma isaanii in caalta' isheedhaan in jedha. 30 Simboon nama irraa in darbiti miidhaginnis nama in gowwoomsiti, dubartiin Waaqayyoon sodaattu garuu in jajamti. 31 Gatii ija hojii isheetii isheedhaaf kenna! Hojiin ishee yaa'ii karra mandaraa keessatti ishee haa jaju!

**Pastor T. John Franklin**  
**Church of Salvation, Healing, and Deliverance**  
**COS-HAD.org**